


南鄭鄉土志  
(四)



陕西省图书馆藏	
书号	D631.678.3
卷号	12856

00920



道路

東七十里至城固縣西一百一十里至沔縣南五百九十里至川省通江縣北四十五里至褒城縣

正東離城七里至七里店又三里至吳家鋪又三里至~~平~~星明寺又五里至十八里鋪又十二里至新鋪交城固縣界平原大道

東南離城三里至焦家河壩又十里至麻柳渡過漢江冬春有橋夏秋有船又三十里至娘娘山交城固縣界為鄉村小路

東北離城十五里至乾溝坎又十里至朱家壩又二十里至呂家村又十五里至高家壩又十五里至文家壩交城固文川界小路半屬平夷

正南離城平原三里至下水渡過漢江冬春有橋夏秋有船又七里至枝子堰又十



里至祖師殿從此如又十里至高家嶺又二十里至牟家壩又五里至

馬桑壩過冷水河冬春有橋又十五里至青石關又十五里至老龍池

又十五里至同軍壩又二十里至毛狗洞交通江縣界此路山深嶺

險為川陝要隘

正西離城五里至沙堰子又五里至十里店又五里至鐵佛店即大店

子又五里至龍江鋪交褒城縣界為赴川大道坦途

西南五里至上水渡過漢又五里至暮山坡此處路分兩歧西三十里至高臺寺

又二十里至新集即沙河集交褒城縣界此路可通寧羌州四川廣

元南江等處俱係山徑祇可人行南過剪子河三十里至周家坪

又十里至青樹子又二十里至紅廟堂又十五里至白陽堂又四十里

至岩方坪又三十里至高阡壩又三十里至廟壩又四十里至桃園寺

交南江縣界山僻小徑險窄難行亦川陝要隘又由紅廟堂南三

十里至梅子壩又二十里至烏山壩又二十里至白陽關又二十里至

小壩交南江縣界路極險峻止可人行

正北離城八里至二道關又七里至玉井觀又二十里至彌勒院又山

路三十五里至天臺山東北交城固界西交褒城界山僻小路

又城北向西去城三里至三里店又五里至八里橋又七里至景家塘又五

里至二十里鋪交褒城縣界為赴省平原大道



物產錄

動物

禽屬

鶴

大如鵝長脚青翼高三尺喙長四寸餘多純白亦有蒼色者

鶴

水鳥也將陰雨則鳴似鴻而大長頰赤喙白身黑尾翅樹上作巢大如車輪

鷓鴣

一名鷓鴣一名鷓鴣鹿羅願云鷓鴣其色蒼如麋也鷓鴣其聲也

鷓

水鳥也一名扶老狀如鶴而大青蒼色其喙下有胡袋



鷓鴣

水鳥形如鷓而極大喙長尺餘直而廣口中正赤額下胡大如數升囊

鴻

羽毛光澤純白似鶴而大長頸肉美如雁

雁

大曰鴻小曰雁

鶻

似鷓而小毛畧紅巢於木

鳧

似鴨而小長尾背上有文

鴛鴦

雄鳴不相離故謂之匹鳥

鷺

爾雅曰鷺春鋤田間多有之

鷗

鷗鷖也一名水鴉

鷓鴣

似鷓而小色黑如鴉而喙長善沒水取魚日集洲渚

夜巢林木

鷓鴣

水鳥大如鷓雀脚尾俱長尖喙背青灰色腹白頸

下黑如連錢

雉

俗名野雞詩小雅雉之朝雉雉也者鳴也

山雞

類斑鳩紅嘴足而毛文小異

竹雞

一名泥滑滑到處有之多居竹林比鷓鴣差小褐色

斑赤文其性好啼見其傳必鬪

鷓鴣

性畏霜露早晚希出夜栖以木葉蔽身多對啼今

俗謂其鳴曰行不得哥也

鷓鴣

身首俱黑兩翼下各有白點頭上有噴亦有無噴者俗



名八哥剪其舌能效人言

斑鳩

今鷓鴣也詩小雅宛彼鳴鳩鳴鳩斑鳩也

鷓鴣

有均一之德飼其子旦從上而下暮從下而上均平如一即今布穀

睢鳩

王睢也鳥執而有別大小如鵠深目狀類鳧鷖

慈烏

純黑小嘴反哺者慈烏

烏鴉

小而腹下白不反哺者謂之鴉烏

喜鵲

鵲之作巢冬至架之至春乃成其巢最為完固

子規

一名杜宇一名杜鵑狀如雀鷄而色慘黑赤口有小冠春暮鳴夜啼達旦至夏尤盛田家候之以興農事

燕

一名乙鳥一名天女有紫胸輕小者是越燕有斑黑而聲大者是胡燕

瓦雀

以色名麻雀以常立階除名賓雀以居檐中名瓦雀

鶉

大如雞雞頭細而無尾毛夜則羣飛晝則草伏人取之畜令鬪搏

白頭翁

舊志邑有之

畫眉

好音怡人眉白長如畫人取畜於籠令鬪搏

啄木

此鳥鑿裂樹木取蟲食故名博物志云能以嘴畫字令虫自出

鷹

鷂屬或謂雀鷹春化為布穀是也一云大為鷹小為鷂



鷓 卽詩云晨風也似鷓青黃色燕鎖勾喙向風搖翅乃

因風飛急擊鳩鷓燕雀食之

鷓 鷓之類鳥之貪惡者也善高翔專捉雞雀然不擊胎

殺中有仁

鷓 卽梟也一名鷓狀如母雞有斑文頭如鷓目如貓目

好食桑椹

鷓 大如鷓毛色如鷓頭目亦如貓其聲連轉如云休留

休留故名

鷓 長頸善鳴峩首似傲故曰鷓

鷓 家鷓曰鷓鷓鷓屬也

雞 日則司晨夜則啼旦以詔百官

獸屬

豹 似熊而小有赤白二種

野豬 形如家豬腹小脚長色褐作羣行

熊 形類犬豕而性輕捷好攀援高木見人自投於地冬蟄

春出

獼猴 性好動無休時善避箭莫能中牧圍畜之則馬無疾病

猿 猴長臂者為猿

獬狃 猿之白腰者

鹿 性警防分背而食食則相呼羣居列環其角外向以防害



羆

鹿屬無角者

狸

一名野貓大小如狐毛雜黃黑

狐

狐者妖媚之獸亦狸屬

貉

形如小狐毛黃褐色可為裘

狼

嘴尖尾長其性貪

豺

豺狗足處處山中有之狼屬也

獾

大者曰獾狀如青狐毛色黑膚如伏翼長尾四足水居食魚

牛

獸之最有力者能負重農家多畜此以耕田

馬

能負重致遠兼可代步

驢

似驢而小有力極能負重

驃

似馬非馬似驢非驢其力絕大馬驢皆產但不育駒

羊

小曰羔大曰羊皮可為裘

豕

其肉肥美可食回教忌之

犬

性最馴能守戶見生人即吠

貓

狸屬善捕鼠鼻端常冷惟夏至一日暖陰類也

兔

性最狡鑿地為室肉亦可食

鼠

晝伏夜動齒最利慣咬人物人咸惡之

竹鼯

竹園內穴地而居惟食竹根門牙尖利肉最肥美

蛟

龍屬似蛇四足細頸頸有白嬰卵生眉蹙交

鱗屬



蛇

有水草木土四種害人最毒

鯉

赤色從脊當中數至尾無大小皆三十六鱗亦成數也

鯽

似鯉色黑而體促和尊作羹最良

鱖

白鱖也色白其形長而小

鱧

形長體圓頭尾相等細鱗元色有斑點花文

鱣

有鬚須無鱗

鱮

細而長似蛇無鱗人取食之

孩兒魚

一名人魚四足聲如小兒又言鰓

鰻

一名蛇魚似鰻而腹大青黃色

鱖

長三四寸沈於泥中似蟬而小銳首肉身青黑色

龜

似蝦蟇而長脚其色青人亦取食之

介屬

鼈

以眼聽甲蟲也水居陸生

蚌

外骨內肉旁行今俗謂之旁蚌

螺蚌

大如指頭而殼厚於田螺惟食沉水春月人取蒸之其

肉自出

蚌

圓日蛤長曰蚌大者長七寸狀如牡蠣小者長三四寸狀如

石決明其肉可食其殼可為粉

蝦

蝦小而為肉

蟲屬



蜂 能結絲成繭取絲為帛

蜜蜂 蜂分三種惟蜜蜂小而微黃能釀蜜

土蜂 穴居作房赤黑色

馬蜂 即腰細者有四五種

崖蜂 在山崖高峻處作房即石蜂也

螟蛉 桑上小青蟲也

蟋蟀 似蝗而小正黑色有光澤如漆有角翅

螳螂 兩臂如斧當輒不避故得當郎之名

蟬 詩五月鳴蜩鳴蜩蟬也

蜉蝣 似天牛而小有甲角出糞土中朝生夕死

蝎 毒蟲也生石壁間

蜻蜓 二足四翼好飛水際

蝴蝶 大曰蝶小曰蛾蝶美於鬚蛾美於眉

蠅 冬蟄夏出恒趨臭

螢 夜飛有光即所謂螢火也

蚊 冬蟄夏出晝伏夜飛細身利喙

蜘蛛 於屋角牽絲作網者即是

壁錢 似蜘蛛作白幕如錢貼牆壁土間

土鼈 一名地鼈有毒生牆壁下土中濕處

蜈蚣 生土石間及人家屋壁中身扁而長黑頭赤足



蚯蚓 此物有毒崇寧間隴中兵士暑月跣足為蚯蚓所中遂不救

蟻 有翼曰螻無翼曰蟻天將雨則移

蝸牛 即負殼蜆蚶也

蝦蟆 漢潭河涓最廣夏間鳴聲聒人

蝙蝠 一名仙鼠其矢即夜明沙

水蛭 一名螞蟥

水馬 長寸許四脚羣遊水上水涸即飛

植物

穀屬

粟 有椒粟草粟等不一其類其色黃可食

稻 一名秣其類數十種有益草黃色白味美粒長又有安南黏

冷水穀百日穀香穀等類為飯稻百莖糯黃穀糯柳條糯

香兒糯等為酒稻又糯即黍也俗曰酒稻

粱 粱良也谷之良者也或云種出梁州故得粱名今處處

有之穀穗有毛比他谷益胃

小麥 麥者接絕續乏之谷最先熟秋種冬長春秀夏實具

四時之氣寒溫冷熱兼備之矣

大麥 春麥也宜為飯又可為醋其蘖可為飭

青稞麥 似大麥較衆麥先熟久服黑髮

蕎麥 有甜苦二種苦蕎味苦甜蕎味甘



燕麥 一名雀麥葉似小麥而弱實似穰麥而細

蕎麥 苗葉較谷麥稍高實類小麥而大性硬造酒作饅佳

玉黍 俗名色谷幹葉類蜀黍而肥矮亦似薏苡

美稗 有水稗旱稗兩種

大荳 大荳菽也有黑白黃褐青斑數色黑者名烏豆可入藥

菜豆 性涼煮粥炊飯益氣除熱亦可作粉

豌豆 一名萹豆一名胡豆其大者為淮豆

蠶豆 方莖中空花開如蛾狀結角連綴似蠶形

黃豆 有數種邑人研漿合米炊食呼為甜漿

芝麻 有黑白赤三色莖皆方味甘寒榨油香美

麻子 苴麻子也一名漢麻

蔬屬

花椒 即秦椒始產於秦故名今邑有之

地胡椒 辣椒也一名海椒生青熟紅子白味極辣

薑 味辣而暖通神明去穢惡

時蘿 一名小茴香善滋食

韭 苗青而細屢割屢生

葱 夏衰冬盛葉莖俱軟美山南多有之

蒜 卵蒜也俗謂之小蒜一株名胡蒜俗謂之大蒜

茼蒿 一名蓬蒿性平和能令氣滿不可多食



白菜

菘白菜也黃縑無絲者佳

芥

俗呼為臘菜

菟

分五色白者佳

馬齒莧

味寒酸梗赤根白葉青花黃子黑一名五行菜

葵

為五菜之主古人采葵必待露解故曰露葵

苦菜

其莖中空高三尺餘折之有白汁

蕨

春生苗如拳根可作粉土人遇荒年采之濟饑

薺

小薺葉花莖扁味美大薺莖硬有毛味不佳

芹

菜也產碧澗中極香潔可以為菹

山藥

始生赤莖細蔓花白實青黃根中白皮黃類芋

刀豆

蔓引一二丈葉如豇豆葉而稍長大花如蛾形結莢微

似皂莢

扁豆

一名沿籬豆一名蛾眉豆

芋頭

葉似荷而厚栽田畔可供玉糝羹

百合

幹粗如箭四面有葉開紅白花如石榴嘴根大如葫

蒜食之益氣

洋芋

向種山谷中今城鄉皆出

蘿蔔

有赤白二種赤者甚佳可作羹

萵苣

有數種色白者為白苣色紫者為紫苣味苦者為苦苣

菜瓜

一名稍瓜有青白二色生可食



黃瓜 一名胡瓜北人避石勒諱改呼黃瓜

絲瓜 一名蠻瓜始自南方來故名有短而肥者有長而瘠者

冬瓜 味清芳更霜始美

苦瓜 一名癩葡萄引蔓莖葉卷鬚其瓜熟則色黃自裂

內有紅瓢味甘可食

南瓜 結瓜正圓大如西瓜上有稜如甜瓜又名番瓜

壺蘆 蔓生莖長大小數種乾可作瓢

瓠子 就地蔓生苗葉花俱如壺蘆結子長一二尺夏熟

茄子 有紫白二種梗赤高尺餘葉青結茄圓大者二寸長瘠者五寸餘蒂有小刺

紅菘 蔓引於地莖微赤葉似山藥菘生根下狀如蘿蔔紅色

木耳 生木上如耳可食

地輦 狀如木耳生夏雨後生腴地上

筍子 邑內有冬筍八貢今無所產者小毛竹筍耳

蒲筍 一名蒿筍生水中

藕 根如竹行鞭節生一葉一華華葉常偶故名藕

### 菓屬

梅 生山谷中有硃砂梅錢梅照水梅玉蝶梅各種

杏 有銀杏三美杏樹高丈餘花白千葉肉美仁甘

桃 有楊桃碧桃絳桃核桃數種



李 有紫李麥李二種

梨 有青梨芳梨細葉梨均厚肉味佳

櫻桃 一名含桃春秋云鶯鳥所含故曰含桃

枇杷 肥枝長葉大如驢耳冬開白花熟時色如黃杏

林檎 似梨而小其色光潔

櫛果 似梨而圓生青熟則半紅半白光潔可愛

蒲萄 釀酒則成綠色芳香酷烈味若醍醐

棗 葉類槐葉而厚其枝光圓有刺實生青熟紅狀如雞

腎

枳椇 俗名拐棗曲拳如雞爪味甘更霜愈美

柿 味甘土人常作餅鬻市有小而卑者名柝柿味澁澁難食

木瓜 葉光而厚實小如瓜又有小於木瓜味酢澁者為木桃

安石榴 有紅白二種白者味美

橘 葉厚而光實橢圓皮赤可為藥味甚甘美

柑 華於夏落實於冬味苦遜橘柚

無花果 不花而實實出枝間狀如木饅頭

菱 生池中莖如亂絲一花千葉根浮水上實沈泥中

荸薺 小者名鳧茈大者名地栗

慈姑 根一年十二枚遇閏月多一枚似慈母乳故名

西瓜 實大如斗皮黑瓤紅味甚甘



甜瓜 葉大數寸其類團長扁短不一其色青綠黃斑各殊

落花生 種沙土中生熟皆可食無可榨油

木屬

松 產於巖阿卓然特立歷雪霜不變

柏 一名蒼官與松齊壽

檜 柏葉松身樹大可為棺槨及舟

竹 有青黑二種南山多有之

梓 如栗而小

桐 四月開花五月結子莢長三寸許五片合成老則開裂

如箕子綴其上如豆大可榨油

榆 榆莢生青熟白形圓如小錢故又名榆錢

槐 實常服能黑髮明目

檀 有黃白二種肌細體堅葉皆如槐

楸 皮葉皆白色宜用為車板

楓 有赤白二種脂可以為香楓香木也

楮 俗名構膠可塗丹砂皮作紙實入藥

椿 椿木皮細肌實而赤嫩葉香甘可茹

樗 惡木也惟堪作薪其葉臭

山樗 即樗之生山中者本亦虛大然介之如腐朽古人以為不

材之木



柳 木質軟葉青繁生白綿

檉柳 一名三眠柳今俗所稱三春柳是也

白楊 葉尖圓如杏枝頗勁微風來則葉皆動其聲蕭瑟

冬青 一名凍青一名萬年枝

黃楊 木理細膩枝幹繁多性堅緻難長

皂莢 生山谷如豬牙者良

椶櫚 一名椶鬚皮中毛縷如馬之鬃鬚故名

娑羅木 大合抱頂如華蓋葉七出如掌

椅 梓之美文者為椅

桑 桑有數種葉沃者曰沃桑不實可飼蠶結椹者亦有黑白二種

藥屬

朮 白芨 紫蘇 艾 青箱子 牛蒡子

車前 蓖麻 半夏 何首烏 金銀花 吳茱萸

腐婢 杜仲 桃仁 杏仁 烏梅 五倍子

益母草 牡丹皮 白朮 葛根 天麻 白芍

薏米 白芷 烏藥 泡參 花粉 荊芥

卜荷 以上皆邑所出

豆屬

姜豆 四季豆 勞豆 冰豆 小豆

苦豆 以上皆邑所出



商務

本境輸出天然貨物以土藥為大宗繭絲牛皮猪羊等毛次之輸出製造貨物以水菸茶棉線辦帶門神紙炮為大宗綉綉綾絹鐵鍋紙傘石灰次之其餘緞帽靴鞋草帽辦南酒醬貨等物又次之土藥歲約數百萬由水運行銷湖北江西等省由陸運行銷直隸山西新疆甘肅四川等省繭絲水菸均由陸運行銷四川重慶保寧等處棉線辦帶門神紙炮等貨亦由陸運行銷新疆甘肅等省牛皮猪羊等毛以漢口消場為大並分銷外洋等處綉綉綾絹鐵鍋紙傘石灰等物均行銷鄰近州縣其餘緞帽靴鞋南酒醬貨等物均零星製賣



不成大宗行消本境一帶亦有販運鄰近州縣消售者  
他境由水路運入貨物以棉布洋布竹布洋緞磁器為大宗火  
柴海菜洋油次之均由漢口運入由陸路運入貨物以鹽藥材  
棉花糖表綢緞雜貨書籍紙張皮貨為大宗馬牛羊棉菸次  
之鹽自甘肅運入者十之七自四川運入者十之三藥材皮貨棉菸  
棉花運自河南甘肅暨本省等處亦有自他省運入者惟糖表  
綢緞雜貨書籍紙張自四川運入者居多商賈繁盛之處以  
郡城東關十八里鋪新集為最各市鎮貿易情形秋冬較春夏  
暢旺



